



**OFFICE OF THE GOVERNOR
AMERICAN SAMOA GOVERNMENT**

POLOA'IGA FA'ALAU'ITELE

“MASINA O LE GAGANA SAMOA, MATI 2023”

TALUAI, o le olaola ma le faaaoga pea o le gagana Samoa e uuna'ia ai lona tumau ma le atiina'e o le soifuaga faaSamoa; ma

TALUAI, o le gagana muamua e tautala ai le 90%+ o tagata Amerika Samoa o le gagana Samoa, aepeita'i ua iloa i se Su'esu'ega o le Gagana Samoa i le teritori i le 2001 e na'o le 67% o i latou na fesiligia na tali mai e tautala i le gagana Samoa i o latou aiga, ma ua tupu a'e ai se popolega; ma

TALUAI, ua moomia le mataala ma ni fuafuaga e puipui ai mai le mamulu ese atu o gagana ua afaina ai o tatou tua'oi i le Pasefika e pei o Hawaii, lea ua na'o le 1000+ tagata faamauina e tautala i la latou gagana; ma

TALUAI, ua poloa'iina e tulafono a le teritori, o le gagana Samoa o se tasi o gagana aloa'ia lona tulaga tutusa ma le gagana Peretania i a'oa'oga, le malo, le tamaoaiga, ma fealoa'iga a tagata Amerika Samoa; ma

TALUAI, o le silafia ma le faaaogaina o le gagana Samoa e le mafai ona tuueseina mai le auai ma fealoa'i lelei ma tagata i lona si'omaga atoa ma le soifuaga faaSamoa.

ONA O LEA, O A'U, TALAUEGA E. V. ALE, Kovana Tofia o Amerika Samoa, e tusa ai ma le malosi'aga ua tuuina mai ia te a'u e le tulafono ma tagata o Amerika Samoa, ua ou poloa'iina le avea o MATI 2023 ma “Masina o le Gagana Samoa” i Amerika Samoa. Tatou faailogaina i le Masina o le Gagana Samoa lo tatou faasinomaga, la tatou gagana, ma la tatou aganuu ina ia totō i tatou talavou le taua o le faasao ma puipui a tatou faatinoga o tu ma aga masani o la tatou agaifanua.

I LONA MOLIMAUINA, ua ou tuuina ai la'u saina ma le faailoga o lo'u tofiga i le aso lena 23 o FEPUARI, i le tausaga o lo tatou Alii e luaafe luasefulutolu.

TALAUEGA E. V. ALE
Kovana Tofia o Amerika Samoa